

Llwyddiant regata Mari Davies



Llwyddodd Mari Davies o Fethesda, un o sêr ifanc Clwb Hwyllo Pwllheli i ennill y deitl o Bencampwraig Ifanc Genedlaethol yn dilyn pum diwrnod o rasio yn Weymouth a Portland.

Wrth hwyllo gyda'i phartner Sarah Norbury, llwyddodd y ddwy i gadw'u safle fel y goreuon o griw'r merched drwy gydol y regata.

Cymrodd bron i 400 o hwylwyr ran yn y digwyddiad ar draws y wlad.

Eleni mae Mari, sy'n aelod o'r clwb lleol, wedi cael ei dewis i gynrychioli'r DU fel rhan o dîm o ddeuddeg ym Mhencampwriaethau Hwyllo Ieuencid y Byd yr ISAF ym Mhortiwgal.

Yn ôl Mari 'Mi fydd hi'n anrhydedd i gael cynrychioli 'ngwlad ym Mhencampwriaeth yr ISAF yng Ngorffennaf'

Bydd mwy o wybodaeth am y digwyddiad ar [gael...](#)

[Mwy >](#)

Ysgrifennwyd ar Mai 13, 2014

Cynllun Hyfforddai Twristiaeth Awyr Agored



Cawsom newyddion da iawn fis yma wrth glywed bod Fraser Jenkins, un o'n hyfforddeion, wedi gadael y cynllun i gael swydd newydd. Mae wedi derbyn cyflogaeth yn Academi Bear Grylls ym Mhen Llŷn. Fel rhan o'i waith bydd Fraser yn dysgu Sgiliau Awyr Agored i bobl ifanc mewn un o sefydliadau awyr agored newydd yng Ngogledd Cymru.

Cyn iddo'n gadael ni, cafodd Fraser y cyfle i ennill ei gymhwyster SPA a'i wobwr Arweinydd Mynydd. Byddem yn parhau i'w gefnogi a dymunwn yn dda iddo yn ei yrfa newydd.

Yn y cyfamser, mae Mel, Jo a Dylan wedi cwblhau'u gwobr 3* canŵ a bellach yn gweithio tuag at eu gwobr 3* caiac. Yn dilyn hyn, byddent yn gweithio tuag at eu Gwobr Lefel 2 mewn hyfforddi chwaraeon padlo....

[Mwy >](#)

Ysgrifennwyd ar Mai 13, 2014

Gwirfoddolwr y Mis ar gyfer Mawrth ac Ebrill



Mis yma, teithiodd ein cydlynnydd gwirfoddoli i Gaerdybi i gyflwyno gwobr Gwirfoddolwr y Mis i ddau aelod teilwng o Glwb Cadetiaid Môr Caerdybi. Cyflwynwyd Sue Williams a

Digwyddiadau

- [Gwobr 4* Ceufad môr \(Mentora\)](#)
Mai 16, 2014
- [Cwrs Cymorth cyntaf REC \(Achub...\)](#)
Mai 24, 2014
- [Penwythnos Gwych o Badlo i'r...](#)
Mai 31, 2014
- [Mordwyaeth Arfordirol a Chynllunio Llanw...](#)
Mehfin 1, 2014
- [Cwrs Caiacio - Sgiliau Hanfodol...](#)
Mehfin 7, 2014
- [Gwobrau Cerdded \(Mentora\) Rf.2](#)
Mehfin 18, 2014
- [Cwrs Cymorth cyntaf REC \(Achub...\)](#)
Gorffennaf 5, 2014

Ewch [i'r wefan](#) am fwy o wybodaeth. >



Dewi Thomas gyda'u gwobrau haeddiannol (tocyn £40 i'w wario yn Surf-lines; byff, crys t a phlac llechen y Bartneriaeth Awyr Agored).

Arweinwyr gwirfoddol i Gadetiaid Môr Caergybi, Traeth Newry, yw Sue a Dewi. Maent wedi gwneud gwaith dylanwadol iawn wrth ddatblygu'r cadetiaid dros y blynyddoedd ac wedi bod yn weithredol iawn yn y gwaith o ail ddatblygu safle'r cadetiaid i fod yn gyfleuster modern a moethus. Mae Sue a Dewi wedi cydweithio'n agos â'r Bartneriaeth Awyr Agored a Swyddog Datblygu Gweithgareddau Awyr Agored...

Mwy >

Ysgrifennwyd ar Mai 9, 2014

Dilynwch ni ar Twitter!



Yn ddiweddar, crëwyd cyfrif Twitter y Bartneriaeth Awyr Agored.

Mae'r cyfrif hwn wedi'i gysylltu â thudalen Facebook y Bartneriaeth yn y gobaith o ledu'n cynulleidfa a lledaenu'n negeseuon ar draws y rhwydwaith.

Oes gan eich clwb chi dudalen Twitter? Cofiwch roi tag arnom mewn unrhyw un o'ch gweithgareddau @PAA_TOP er mwyn i ni hyrwyddo gweithgareddau awyr agored ar draws yr ardal.

Chwiliwch am y Bartneriaeth Awyr agored i'n dilyn ni neu dilynwch y ddolen [yma](#) i fynd yn syth at ein proffil

Mwy >

Ysgrifennwyd ar Mai 9, 2014

Penwythnos Gwych o Badlo i'r Teulu - Gŵyl Chwaraeon Padlo Mawddach



Bellach yn ei phedwaredd flwyddyn ar Aber y Fawddach ynghanol mynyddoedd hyfryd De Eryri.

Penwythnos yr 31^{ain} o Fai / 1^{af} o Fehefin 2014

Prif Ddigwyddiadau:

10km- esgyniad llanw a phadlo dan arweiniad 20km- Her yr Aber 10km Ras Canŵ Agored a nifer o ddigwyddiadau eraill i'r teulu gyfan. "Cymrwch Ran" a phadlo dan oruchwyliaeth Digwyddiadau llawn hwyl, arddangosiadau, wal ddringo, gŵyl barcud traeth, a barbeciw trwy'r dydd. Manylion llawn ar www.paddlewales.com gyda'r diweddaraf ar

Twitter "@paddlewales"

Digwyddiad i'r Dyddiadur.

Wedi'i drefnu gan glwb rotari Mawddach ar y cyd a Chanŵ Cymru. Bydd yr elw yn mynd tuag at Tŷ Gobaith- yr hosbis i blant, ac achosion da...

[Mwy >](#)

Ysgrifennwyd ar Ebrill 8, 2014

Sesiwn ceufadu am DDIM i bysgotwyr



Mae'r Bartneriaeth Awyr Agored yn cynnig cyfle gwych i bysgotwyr gael mynychu cwrs Caiacio - Sgiliau Hanfodol i Bysgotwyr sy'n cael ei redeg gan Surf-Lines. Bydd y cwrs yma am ddim, ac yn cael ei gynnal ar y 7fed o Fehefin.

Mae pysgota o geufad yn gamp sy'n datblygu'n gyflym iawn ac yn galluogi'r pysgotwyr gael mynediad i lefydd a fyddai fel arfer yn anghyraeddadwy. Yn ogystal â hyn, mae'n gamp heriol ac ymrwymedig iawn ac felly mae angen y sgiliau a dealltwriaeth o'r amgylchedd arfordirol. Mae bod yn ddiogel ar geufad yn elfen hanfodol o'r gamp.

Yn dilyn poblogrwydd dros y blynyddoedd diwethaf rydym wedi datblygu'r cwrs cyffrous yma ar gyfer 2014. Byddem yn datblygu'ch sgiliau...

[Mwy >](#)

Ysgrifennwyd ar Mawrth 28, 2014

Y Bartneriaeth Awyr Agored, Bwthyn Carnedd, Plas y Brenin,
Capel Curig Conwy, LL24 0ET. Tel: 01690 720106

info@outdoorpartnership.co.uk
www.partneriaeth-awyr-aqored.co.uk